

ԱՆՆԱ ԳԵՎՈՐԳՅԱՆ (ԵՊՀ)

ՄԵՄԻԱՅԻ ՄԱՍԻՆ ՄԻՖԸ ԱՅԱԹՈՂԼԱՆ ԽՈՍԵՑՆԻԻ ԳԱՂԱՓԱՐԱԽՈՍՈՒԹՅԱՆ ՄԵՋ

Իրանի Իսլամական Հեղափոխության առաջնորդ այաթոլլահ Ռուհոլլահ Խոմեյնիի գաղափարախոսությունը մի շարք կրոնա-քաղաքական միֆեր է պարունակում, որոնց ուսումնասիրությունը թույլ է տալիս ավելի համընդգրկուն պատկերացում ունենալ Իրանի հեղափոխական քաղաքական մշակույթի առանձնահատկությունների մասին: Հոդվածում կանոնադաշտնադրող միֆերից մեկին՝ փրկչի/մեսիայի մասին կրոնա-քաղաքական միֆին:

Քաղական գաղափարախոսությունների մեջ միֆերի օգտագործման կամ այլ կերպ ասած՝ քաղաքական միֆերի մասին փիլիսոփաների ու քաղաքագետների, հասարակագետների ու կրոնագետների մի շարք ուսումնասիրություններ փաստում են, որ դրանք ամեննին էլ եզակի կամ հազվադեպ հանդիպող երևույթներ չեն: Այսպես, Քրիստոփեր Ֆլուդի մոտ կարդում ենք՝ «միֆաստեղծումը քաղաքական կյանքի բնականոն երևույթ է, չկա ոչինչ արտասովոր դրա մեջ»¹: Քաղաքական միֆաստեղծման գործընթացի ու դրա վերջնարդյունքի օբյեկտիվ գնահատման համար, սակայն, կարևոր է հստակ տարբերակել քաղաքական միֆը կրոնական միֆից, որի ստեղծման գործընթացը հաճախ շատ ավելի սերտորեն է անցյալի հետ կապված: Եթե համարենք, որ քաղաքական միֆերը սրբազան միֆերի ու քաղաքական գաղափարախոսության միջև ընկած կատեգորիաներ են², ապա ժամանակակից համատեքստում քաղաքական միֆը կարելի է բնորոշել՝ որպես գաղափարական շեշտադրումով անցյալի, ներկայի կամ սպասվելիք քաղաքական իրադարձությունների մասին

¹ Flood Ch., “Political Myth: A theoretical Introduction”, Routledge, 2002, p. 30.

² Նույն տեղում:

պատում³: Եթե այս ձևակերպմանը հավելենք առհասարակ միֆի մասին արված ֆրանսիացի գիտնական Դյուբեի ձևակերպումը, ըստ որի՝ «միֆը խմբային ձգտումների անձնավորումն է»⁴, ապա կարելի է ասել, որ քաղաքական միֆերն էլ որևէ գաղափարախոսությամբ համախմբված հանրությունների քաղաքական ձգտումների անձնավորումն են: Ձգտումների անձնավորման արդյունքում ծնված այդ պատումները միշտ ներկա են որևէ հասարակության քաղաքական կյանքում: Եվ այնպես, ինչպես սրբազան միֆերը «միշտ մեզ հետ են և միայն թաքնվում են ինչ-որ ստվերներում, իրենց ժամին սպասելով և ի հայտ են գալիս, երբ բոլոր մյուս ուժերը, որ շաղախում են հասարակական կյանքը այս կամ այն պատճառներով կորցնում են իրենց հզորությունը և այլևս չեն կարողանում ետ պահել դիվային, միֆոլոգիական կամ դիցաբանական տարրերը»⁵, այնպես էլ քաղաքական միֆերը դուրս են գալիս թաքստոցից, երբ գաղափարախոսական խոսույթների մյուս տարրերակները ի գործ չեն լինում անհրաժեշտ գաղափարական պատնեշն ապահովել քաղաքական տարբեր հոսանքների դեմ:

Այսպիսով, յուրաքանչյուր հասարակությանն ու քաղաքական իշխանությանը հատուկ է միֆաստեղծումը, իսկ հասարակության ու իշխանության համար ճգնաժամային իրավիճակներում այդ միֆերը դառնում են առաջնային, ակտուալ ու կարևոր: Այդպիսի ճգնաժամային, բեկումնային քաղաքական փուլ էր իսլամական հեղափոխությանը նախորդած ժամանակաշրջանն Իրանում: Շահական Իրանի վերնախավի որդեգրած գաղափարախոսությունն ու վարած քաղաքականությունն ավելի ու ավելի էին խորացնում հասարակության ու իշխանության միջև եղած անջրպետը⁶ և պարարտ հող ստեղծում ոչ միայն հակաիշխանական տրամադրությունների, այլև քաղաքական այնպիսի միֆերի ստեղծման համար, որոնց շնորհիվ հակաիշխա-

³ Flood Ch., նշվ. աշխ., էջ 42:

⁴ Кассирер Э., Техника современных политических мифов, Вестн, сер. 7, № 2, Философия, МГУ, 1990, с. 60.

⁵ Նույն տեղում, էջ 61:

⁶ Chehabi H., “The Shah’s Two Liberalizations: Re-Equilibration and Breakdown”, in “Iran and the Challenges of the Twenty-First Century”, Mazda Publishers, 2013, p. 29.

նական գաղափարներն ու տրամադրությունները դառնում էին օրվա հրամայականը: Մի կողմից հասարակության սոցիալական ու գաղափարական բնեղավածությունը, մյուս կողմից՝ երկրի հոգևորականների նվազող դերն ու նշանակությունը երկրում, ինչպես նաև մի շարք հոգևորականների հանդեպ հաշվեհարդարները, քաղաքական նոր միֆաստեղծման առանցք են դարձնում հենց իսլամական դիցաբանական պատումները:

Նկարագրված ճգնաժամային պայմաններում է Իրաք արքունիկան ալաթոլլահ Խոմեյնին Նաջաֆում դասախոսությունների շարք սկսում, որոնք հետագայում դառնում են իր «Վելայաթե Ֆաղիհ»՝ կրոնագետների կառավարում տեսության առանցքը⁷: Կրոնա-քաղաքական այս տեսությունը, որ խարսխված էր շիայական «ֆաղիհների» տեղի ու դերի վերախմաստավորման, ինչպես նաև նրանց հոգևոր իշխանությանը նաև քաղաքական նշանակություն տալու նպատակի վրա, ակտուալացնում էր մի շարք կրոնական միֆեր՝ դրանք կրոնա-քաղաքական միֆերի վերաձևելով: Այդպիսի քաղաքական միֆերի օրինակ են մեսիայի, արդար կառավարման, մարտիրոսության ու իսլամական համախմբված աշխարհի մասին միֆերը:

Իսլամական մեսիայի՝ իմամ Մահդիի մասին կրոնա-դիցաբանական պատումները Իրանի կրոնա-քաղաքական ավանդույթի ու պատմության անքակտելի մասն են կազմում: Ալաթոլլահ Խոմեյնին այդ պատումները վերախմաստավորել, դրանք դարձրել է իր գաղափարախոսության առանցքային ուղենիշներից մեկը: Աշխարհն ավերածություններից ու աղետից ազատող փրկչի մասին միֆական պատկերացումներն այն աստիճան կարևոր դերակատարություն են ունեցել/ունեն իրանական հասարակական-քաղաքական կյանքում, որ հասարակությունն անգամ ընդունելի է համարել այդ պատումների երկփեղկվածությունը՝ մի կողմից Խոմեյնիի գրքով վերախմաստավորված պատումներ, մյուս կողմից՝ Խոմեյնիի անձի շուրջ հյուսված ու վերամարմնավորված պատումներ:

⁷ Abrahmian E., “Khomeinism: Essays on the Islamic Republic”, Berkeley, University of California, 1993, p. 24.

Տասներկուիմամական շիայական կրոնական պատկերացումների համաձայն՝ տասներկուերորդ իմամ Մուհամմադը, որ կրում է նաև Մահդի՝ փրկիչ անունը, ոչ թե մահացել, այլ անհետացել է: Ինչպես բազում այլ վախճանաբանական, ապոկալիպտիկ ու մեսիանական իսլամական պատումները, Մահդիի մասին իսլամական այս պատումը նույնպես աղերսներ ունի մինչիսլամական՝ զրադաշտական, մանիքեական ու քրիստոնեական նույնաբովանդակ պատումների հետ: Տասնմեկերորդ իմամ Հասան Ասքարիի (մահ. 874 թվականին) մահից հետո շիայական համայնքում իրարամերժ կարծիքներ են ի հյատ գալիս նրա որդու գոյության ու իմամաթի ժառանգման առնչությամբ. որոշ խմբեր համոզված էին, որ Հասանի որդին մահացել է տակավին մանկահասակ տարիքում, մյուսները կարծում էին, որ թեև որոշակի տարիների կյանք է ունեցել, բայց արդեն իսկ մահացած է հոր մահվան պահին, իսկ երրորդները համոզված էին, որ Հասանն, առհասարակ, որդի չի ունեցել⁸: Եվ, միայն հավատացյալների շատ փոքր խումբ համոզված էր, որ Հասանի որդին չի մահացել, թաքուցման մեջ է և վերադառնալու է որպես Մահդի՝ առաջնորդ, և որպես «Ժամանակի վերջ»՝ «աքեր ալ-զաման»: Այս գաղափարն ընդունած ու Մահդիի մասին այս պատումն իրական համարած խումբն էլ դարձավ տասներկուիմամականների շիայական ճյուղը: Բոլոր տասներկու իմամների, ինչպես նաև իմամ Մահդիի թաքուցման՝ «ղայբայի» մասին հիշատակմամբ ամենահին տեքստը Ալի էֆեն Էֆրահիմե Դումիի «Թաֆսիրն» է, որ գրվել է «փոքր թաքուցման» ժամանակաշրջանից մի քանի տարի հետո⁹: Դարերի ընթացքում գրված մի շարք կրոնական գրքերի մեջ հիշատակված այս իմամը ի հայտ է գալիս տարբեր մականուններով՝ «մահդի» (*mahdi*, *փրկիչ*), «մոնթազար» (*montazar*, *սպասված*), «սահեբ ալ-զաման» (*sāheb al-zamān*, *ժամանակի տիրակալ*), «ալ-ղայբ» (*al-ḡāʿeb*, *թաքնված*),

⁸ Encyclopedia Iranica, online edition, London, 1996, Islam in Iran vii. The Concept of Mahdi in Twelver Shi'ism, <http://www.iranicaonline.org/articles/islam-in-iran-vii-the-concept-of-mahdi-in-twelver-shiism>

⁹ Նույն տեղում:

«հոջաթոլլահ» (*hojjat Allāh*, Աստծո ապացույց), «սահեբ ալ ամր» (*ṣāheb al-amr*, պատճառի տիրակալ), «բադիյաթ ալլահ» (*baqiyat Allāh*, Աստծո մնացուկ), ինչպես նաև «ղայեմ» (*qā'em*, կանգուն, մեկը, որ շարունակում է պայքարը)¹⁰։

Փոքր թաքուցումից ու մի քանի միջնորդների միջոցով հավատացյալների հետ Մահդիի շփումից հետո, տասներկուիմամականները թեակոխում են Մահդիի Մեծ թաքուցման ժամանակաշրջանը¹¹։ Թաքուցման անհրաժեշտության համար շիայական կրոնական ավանդույթը չորս պատճառ է նշում՝

- Մահդիի անձնական անվտանգությունը,
- Ժամանակի իշխանությունների հետ որևէ կապի բացառումը՝ նրանց բոլորի անարդար լինելով պայմանավորված,
- հավատացյալների հավատի փորձությունն ու
- ևս մեկ պատճառ, որ գաղտնի է պահվում մինչև Մահդիի վերադարձը¹²։

Այաթոլլահ Խոմեյնին նույնպես իր ելույթներում շեշտում էր, որ Մահդիի ծնունդը Մուհիհամադ մարգարեի ծննդյան պես մարդկության տոներից մեկն է, քանի որ նա կոչված է իր վերադարձով վերացնելու ողջ տառապանքն ու բռնապետությունը¹³։ Միաժամանակ, նրա՝ «Վելայաթե ֆադիի» տեսությամբ ազդարարված կրոնագետների արդար կառավարման մասին դրույթը, վերափոխում էր Մահդիի թաքուցման մասին պատճառներից մեկը ու արդար իշխանությունների գոյությունը հնարավոր դարձնում նաև մինչև Մահդիի վերադարձը։ Մինչև Խոմեյնին Մահդիի՝ թաքուցման մեջ գտնվելու ընթացքում շիաների՝ ժամանակի իշխանություններին ենթարկվել-չենթարկվ-

¹⁰ Encyclopedia Iranica, online edition, London, 1996, Islam in Iran vii. The Concept of Mahdi in Twelver Shi'ism, <http://www.iranicaonline.org/articles/islam-in-iran-vii-the-concept-of-mahdi-in-twelver-shiism>

¹¹ Encyclopædia Iranica, online edition, New York, 1996, Said Amir Arjomand, article "GAYBA", <http://www.iranicaonline.org/articles/gayba>

¹² Ali Amir Moezzi M., "The divine guide in Early Shi'ism: The sources of Esotericism in Islam", New York, 1994, p. 114.

¹³ Khomeini R., "Sahifeh-ye-Imam", Vol. 12, p. 408.

վելու վերաբերյալ մի քանի կարծիքներ կային. ոմանք պնդում էին, որ քանի որ մինչև Մահդին բոլոր իշխանությունները բռնապետական ու աստվածային օրենքից շեղված են լինելու, նրանց հնազանդության անհրաժեշտություն չկա, իսկ հարկեր ու նվիրվածություն պետք է բաշխել ոչ թե օրվա քաղաքական իշխանություններին, այլ հոգևոր առաջնորդներին: Մյուսները, հիմնվելով շիայական վեցերորդ իմամ Ջաֆար ալ Մադեդի խոսքի վրա, ըստ որի «վատ կառավարիչն ավելի լավ է, քան կառավարչի բացակայությունը», համարում էին, որ հասարակական քառսից խուսափելու համար պետք է հավատարիմ մնալ նաև մինչև Մահդիի վերադարձն իրենց բաժին հասած իշխանավորներին:¹⁴

Այաթոլլահ Խոմեյնին, իր հերթին, մի կողմից հայտարարում էր, որ «Մահդիի թաքուցումը հուշում է մեզ, որ «իրական արդարությունը կտարածվի աշխարհում իր բնական տեսքով¹⁵, մյուս կողմից հավաստիացնում էր, որ կրոնագետների կողմից կառավարվող իշխանության ներքո՝ «Վելայաթե ֆադիհի» պայմաններում հնարավոր ամենաարդար հասարակարգն է կարելի կառուցել¹⁶: Ավելին, այաթոլլահ Խոմեյնին Իսլամական հեղափոխությունը համարում էր Մահդիի՝ թաքուցումից դուրս գալու առաջին նախապայմաններից մեկը. նրա խոսքով «այս հեղափոխությունը մենք հանձնում ենք Մահդիի ձեռքերին. Աստծո կամոք թող այս հեղափոխությունը առաջին քայլը լինի նրա հայտնության, ում Աստված պատրաստել է, և թող այն ճանապարհի հարթի նրա գալուստի համար»¹⁷: Այսպիսով, Մահդիի վերադարձի հետ կապված շիայական պատումը, ըստ որի

¹⁴ Abrahamyan E., նշվ. աշխ., էջ 15:

¹⁵ Khomeini R., նշվ. աշխ., էջ 408:

¹⁶ Emam Khomeini, “Velayate-Faghih”, Najaf, 1970.

¹⁷ “Sokhan-e-Rahbar beh Monasebat-e-Majles-e-Yadbud-e-Shahid Beheshti”, Ettela'at, September 23, 1985, հղված՝ Maghen Z., Occultation in "Perpetuum": Shi'ite Messianism and the Policies of the Islamic Republic, Middle East Journal, Vol. 62, № 2 (Spring, 2008), p. 232-257.

նրա գալուստը տեղի է ունենալու երկրային քառսի ու անարդարությունների պայմաններում, նոր, վերափոխված իմաստ է ստանում¹⁸:

Իր «Վելայաթե Ֆադիի» տեսության միջոցով այաթոլլահ Խոմեյնին կրոնագետներին վերագրում էր ոչ միայն հոգևոր առաջնորդության ու հոգևոր սպասարկման, այլ նաև քաղաքական ղեկավարման ու քաղաքական իշխանության կարևոր դերակատարում՝ այդպիսով վիճարկելով Մահդիի բացակայությամբ բոլոր իշխանությունների՝ իսլամից հեռացած ու Ալլահին ոչ հաճո լինելու փաստը: Մինչև Խոմեյնիի այս գաղափարախոսությունը «Վելայաթե Ֆադիի» ասելով շիաները նկատի ունեին շիաների համայնքի կառավարում՝ հոգևոր իմաստով, հասարակության խոցելի խմբերի՝ այրիների, երեխանարի ու ծերերի հարցերի կառավարում: Որոշ բացառիկ դեպքերում շիա հոգևորականներն իրենց կարևոր դերակատարությունն էին ունենում նաև երկրի քաղաքական կյանքում, ինչպես 1891 թ. ծխախոտի կոնցեսիոն պայմանագրի առնչությամբ ծագած ճգնաժամի ընթացքում խաղաց այաթոլլահ, մարջանե թաղլիդ Մոհհամադ Հասան Շիրազին՝ իր հայտնի ֆեթվայով, որ հարամ ու չեղարկման ենթակա էր համարում Բրիտանիայի հետ կնքված պայմանագիրը¹⁹: Իսլամական հեղափոխությամբ ու դրա արդյունքում ստեղծված Իրանի Իսլամական Հանրապետության ստեղծմամբ, սակայն, ֆադիիների հիմնական դերն է դառնում պետականաշինությունը, քաղաքական իշխանության իրացումն ու կառավարումը: Հեղափոխությունից հետո 1979 թ. հանրաքվեով ընդունված երկրի Սահմանադրությունը նույնպես ամրագրում է այն փաստը, որ Մահդիի՝ մեծ թաքուցման պայմաններում արդար կառավարման երաշխիք են ֆադիիները ու նրանց կառավարումն այլընտրանք չունի:

Մահդիի մասին պատումների ակտուալացումը Այաթոլլահ Խոմեյնիի կողմից, ունի նաև իր երկրորդային սեմանտիկ նշանակությունը: Հեղափոխության առաջին տարիներին այաթոլլան ինքը

¹⁸ Abrahamyan E., նշվ. աշխ., էջ 14:

¹⁹ Նույն տեղում, էջ 6:

ասոցացվում էր թաքուցումից դուրս եկած, վերադարձած, քառտիկ երկրին արդարություն բերած Մահդիի հետ: Մահդիի մասին ոչ միայն դիցաբանական պատումը՝ թաքուցման, աքսորի, հանուն անձնական անվտանգության երկրից ու մուսուլմանական համայնքից բացակայության մասին, այլ նաև այաթոլլահի՝ աքսորի, անձնական անվտանգության նկրտումներով երկրից բացակայության ու Մահդիի պես անձնական միջնորդների միջոցով մուսուլմանների հետ առնչության օրինակները, կրոնա-դիցաբանական այդ կերպարը, որ Խոմեյնու շնորհիվ նաև քաղաքական երանգ էր ստացել շատ հեշտությամբ պոռոյեկտվում էր նաև հենց իր կերպարի վրա: Այս համատեքստում որոշ հետազոտողներ պատահական չեն համարում նաև նրա՝ այաթոլլահ Խոմեյնիին «իմամ Խոմեյնի» դիմելաձի կիրառությունը²⁰:

**ANNA GEVORGYAN
(YSU)**

THE MYTHS OF THE MESSIAH IN THE IDEOLOGY OF AYATOLLAH KHOMEINI

The Ideology of the Islamic Revolution of Iran encompasses a number of political myths. The analysis of those myths gives an opportunity of broader understanding of the peculiarities of the Iranian political culture.

The article examines one of those myths: the religio-political myth of the messiah. The twofold political myth anchored on the Islamic tradition of the savior is the subject of the article. It reveals the mythical stories transformed by the Ideology of Ruhollah Khomeini and stories created around his own image in the framework of the same myth.

²⁰ Maghen Z., նշվ. աշխ., էջ 235: